

## Göttingscher Broihaine.

**D**iese Stadt Göttingen / sol  
auch neben dem Kotten ein Weis  
zen Bier brawen / welchs sie  
auch Broihaine nennen / Doch mag  
ein vnterscheidt sein / zwischen diesen vnd  
den andern beiden / Aber man trincket es  
gleichwol des orts auch gern.

## Northheim / Alfelt / vnd Bronaw.

**I**n Northheim / Alfelt / vnd Bron  
aw / brawen sie auch Gose / oder  
Broihanen / wie man an andern ör  
tern mehr thun sol.

## Boitzenburger Bier.

**D**iese Stadt Boitzenburg / nicht  
weit vō der Lawenburg / im Herz  
zogthumb Nider Sachsen / an  
der Elbe gelegen / brawet auch  
ein Weiß Weizen Bier / gar gut vnges  
schmack vnd tugent / Ist krefftig / vnd ver  
schonet der Köpffe nicht / Helt sich zum  
höchsten rhum / vnd wil immer in der Höhe  
sein / Daher es auch einen seltsamen Na  
men bekommen / Das es auff Sechsisch /  
biet den Kerll heist / auff gemeine sprach /  
beiß den Kerll / Denn es die Bawren / vnd  
andere Leute / die sein zu viel vnd vnmes  
sig trincken / beisset / Das ist / laedirt vnd  
beschediget / das sie dauon voll vnd trun  
cken